

conjugis parentes exigebant) non cogerent ipsum, ut, sponsæ lineâ relicta, diverteret ad ipsius patrem Genealogiæ institutæ attextendum; ubi verò ad ultimam avum, Josepho, & Mariæ communem, pervenit, eo commemorato, nempe Mathano, exinde ad Josephi patrem divertit Jacobum ejusdem Mathani filium; prætermisso Joachimo Mariæ patre,

qui ejusdem quoque Mathani major filius erat; prætermisso, inquam, Joachimo; ne, si sponsæ patrem recensisset, præter historiam Scripturæ sacræ legem fecisset, ac Genealogiam videretur, non viri, sed fœminæ texuisse. Itaque utrique, quamdiu licuit, muneri satisfacit, communibus proavis, usque ad extremum etiam communem avum, recensitis.



P A R S S E C U N D A

Enucleans, & Illustrans variè, solidè, & amœnè de immaculata Virginis Deiparæ Conceptione, illa verba: Ego ex ore Altissimi prodivi, &c.

Longè jam amandatis erroribus circa veram, & physicam Deiparæ Conceptionem, & multifariam fidei dogmate statuto, & illustrato, non absque multo Marianæ immunitatis splendore, propius tandem accedimus ad enucleanda signatim illa ex Ecclesiastico nostro verba: Ego ex ore Altissimi prodivi, &c.

S E C T I O X X.

Conspiciam Dei genitricis Conceptionem persimilem fuisse sanctæ, & immaculatae Adami formationi.

§. I.

Adamus in sanctitate conditus ex ore Dei prodivi essantis; per peccatum verò quasi ex Tartarei serpentis faucibus.

TENIM comperta res sit, Adamum, dum in gratia, sive justitia, & sanctitate conderetur, ex adloquentis Dei ore prodivisse; ut dilucidè probant illa Gene-
Genes. 2. 7. Formavit Dominus Deus hominem de limo terræ, & inspiravit in faciem ejus spiraculum vitæ. Ubi non temerè expositores nonnulli, quos refert noster Pineda ad c. 10. v. 8. Jobi, arbitrantur, Deum sibi humanam tunc induisse figuram, & externam speciem, in qua & videri, & audiri, & alloqui Adamum posset, cum illum efformabat. Et licèt adnotatum à Moysè non extet, dixisse Deum, ut homo fieret, intelligendum tamen est dixisse, id est, verbo etiam suo illum condidisse; ut observat S. August. Serm. 18. in Pf. 118. & ex illo Pineda relatus: qui enim aliter sentiunt, nec attendunt (ait August.) quod in Evangelio de Verbo Dei, omnia per ipsum facta sunt, non posse constare, si non per verbum factum est etiam corpus humanum. Sed non imperiali verbo factus est homo, uti reliquæ creaturæ, sed verbo blandiente, ut loquitur Tertull. lib. 2. contra Marcion. c. 4. Imò Procopius Gazæus in Genesim premens illud, faciamus hominem putat, tunc primùm Deum os suum aperuisse ad hominis conditionem: Cum Deus in reliquis creationis operibus silentium teneret, hic ait: Faciamus hominem. Certè id factum reor, ut portenderetur, hominem justitiæ & sanctitate conditum, quodam modo ex ipsius Dei essantis ore prodivisse.

513 Propterea sacer Historicus subtextit: Et inspiravit in faciem ejus spiraculum vitæ: id est, inspirata homini anima est, aut per Dei inspirationem producta simul cum corpore; ut

fert communis existimatio. Atqui per inspirationis hieroglyphicum dicitur anima à Deo creata, ut ostenderetur esse divini oris, ac Dei fantis opus: quippe spirare, seu inspirare de more Scripturæ sacræ interdum idem mihi est atq; loqui. Actor. 9. 1. dicitur de Saulo spirans minarum & cadis, id est, loquens minas, & cædes. & Joan. 3. 8. Spiritus ubi vult, spirat: hoc est, ubi vult, loquitur, ut patet ex subjectis verbis, & vocem ejus audit. Spiravit itaque Deus seu inspiravit in hominis faciem, id est, os suum aperuit, locutusque est. Quid ergo ex hac oris apertione, & Dei locutione? Immaculatus ipsius animæ fœtus, atque originaria Adami mundities; ex communi enim Catholicorum sententia, statim ille à conditione sua, divinâ gratiâ fuit donatus. Quod præ se fert vox illa, spiraculum vitæ. Hebraicè nasam, sive cum he vel thau in fine, nestamab, sive nismath; quæ vox, ut nonnullis placet, spiritum hominis significat ex ore Dei prodeuntem purum, sanctum, immaculatum. Lege Georg. Venetum in Harmonia can. 3. tom. 8. modulo 11. concentu 7. Sic de Christo Isaïas ait c. 2. 22. Cujus Spiritus in naribus ejus est, Hebraicè eadem vox nismath: ubi Spiritum sanctum significat, seu spiritus S. gratiam, quam Christus quasi naribus, vel ore ipso efflare dicitur. Unde Joan. 20. Insufflavit, & dixit: Accipite Spiritum sanctum. Ad quæ verba Leontius premens illud Joan. 1. De plenitudine ejus nos omnes accepimus, scitè dixit. Plenitudinem ipsius vocat inspirationem, qua fuit in Adam, quæ fuit in Adam, vocat spiraculum illud vitæ, per quod in eodem temporis puncto, quo anima creata est, & infusa Adamo, gratia etiam Spiritus S. infusa illi est. Propterea Tertull. lib. de Resurrect. carnis c. 6. animam appellat Spiritus Dei auram, oris Dei operam.

514 Subinde jam primus homo in justitia, & san-

& sanctitate conditus, dicitur factus ad imaginem, & similitudinem Dei, Genes. 1. 26. Hujus imaginis, & similitudinis si universas velim explanationes, atque Interpretum distinctiones retexere, in densissimam me induam difficultatum sylvam, unde haud facilè expediar.

S. Greg. Nyssen. de homin. officio c. 16.

Imago, ad quam factus homo dicitur, est Christi humanitas sanctissima.

Tertull.

Sicut ex ore Dei Christi, sic Adamus.

Per peccatū homo quasi ex tartarei serpentis ore prodivi.

Tertull.

Illorum mens maximè arridet asserentium, hominem ad imaginem & similitudinem Dei fuisse creatum, id est, divino Verbo similem: nam sicut Verbum divinam naturam ex vi suæ generationis exprimit, sic homo ejusdem naturæ divinæ perfectionem pro suo capitu haulerit. Addo, imaginem illam Deo simillimam, ad quam homo conditus est, ipsissimam item esse Christi Domini sacrosanctam humanitatem, tot ac tantis gratiarum Charismatis ornatissimam. Sic Patres antiqui & auctoritate, & doctrinâ præstantes docuerunt, quos retulimus in nostro opere de Martyrio cap. 1. Anteloqui. Unum audi Tertull. lib. de Resurrect. car. c. 6. creationem hominis explicantem: Et fecit hominem Deus (id est, utique quod finxerat) ad imaginem Dei fecit illum, scilicet Christi. Jam ergo, sicut Christus, & quæ Deus, & quæ homo est, ex ore Altissimi dicitur procedere, ita similiter Adamus, ut qui Dei Hominis imago extitit perfectissima, ex ejusdem Dei ore prodivisse fertur. Quo nihil dici poterat gloriolius ad primi hominis purissimam creationem demonstrandam: ex ore enim Dei procedens, divinæ gratiæ, & naturæ, sapientiæ, & vitæ factus est confors: cujus nos etiam participes essemus quodammodo ex ore Dei procedentes, si Adamus in magna illa vitæ puritate, atque innocentia perstaret.

515 Cæterum, tentantur à callidissimo fatana veri serpentis organo utente, Eva & Adamus; labuntur in peccatum, & divinum præceptum & pactum transgredientes. Sic illi unâ cum tota iporum posteritate ab statu justitiæ originalis florentissimo in sempiternas præcipitantur miseras; defœdata omnino, imò & oblitterata Dei hominis in hominibus imagine ex ore divino accepta. Hinc homo, hinc nos omnes non jam ex ore Dei in prima animæ creatione similes Deo homini procedimus; sed potius ex ore serpentis diabolo pleni, & satanæ organo spurcissimo, & virulento. Per hoc organum aëre motum, & modulatum, vocem ille humanam effinxit, Evamque blandè est allocutus; afflavit, & inspiravit: Qui dixit ad mulierem: Cur præcepit vobis Deus, ne comederetis de omni ligno paradisi? &c. Quò spectat S. Epiphanius existimatio de Evæ nomine lib. 3. contra Hæres. 80. putat enim si litteram n he, id est aspirationem suscipiat, serpentem significare apud Hebræos. Quasi Eva nomen suum in Hebam commutaverit, ex quo à serpente afflata, & inspirata est: ac proinde ex vita in serpentem mortem inspirantem migraverit; ex Dei filia in filiam diaboli. Nam ex insolenti hac serpentini oris apertione, & locutione mortui sunt Diabolum audiendo; verbum malum seminavit, & occidit; inquit S. August. Tract. 43. in Joan. & lib. 14. de Civit. c. 11. In homine peperit iniquitatem, ait S. Bern. ferm. 1. de adven. Dom. & S. Fulgentius ferm. de laude Mariæ: Diabolus per serpentem Evæ locutus, per Evæ aures mundo inulit mortem. Et Tertull. lib. de carne Christi c. 17. In Virginem adhuc Evam irrepserat verbum adificatorum mortis, &c. Eva nihil tunc concepit in utero ex diaboli verbo? Imò concepit. Nam exinde ut P. Ildeph. de Flores in Eccles.

abjecta pareret, & in doloribus pareret, verbum diaboli semen illi fuit. Enixa est denique diabolum fratricidam. Quasi dicat: Ex hac diaboli sub serpentis habitu oris apertione, & locutione evenit, ut Cain primus Evæ, & dami filius in peccato conciperetur, fœdissimisque evaderet ex venenato serpentis ore fœtus, seu diabolicus embrio; cui nos persimiles in posterum essemus: ut enim S. August. in Epist. de peccato origin. Omnes nos unus homo Diabolo gignendos commisit. Hinc Diabolus ipse Caini Pater, & Cainus diaboli filius, filius patri imitatione simillimus. Quò mundi Magister spectabat Joan. 8. Judæos increpans: Vos ex patre Diabolo estis, & desideria patris vestri vultis facere: ille homicida erat ab initio. Homicida erat, quia vel Cainum in Abelis justis necem excitavit; vel quia omnes homines morti subjecit: quò fit, ut ipsi patrem diabolum habeant, cum in peccato concipiuntur, utpote tunc ex fœdissimo serpentis tartarei ore prodeuntes, & maligno afflatu conspurcati.

§. I I.

Non ex serpentis, sed ex Dei ore Virgo prodivi in sua Conceptione.

516 HIs positis; quid quæso, judicandum, ac deliberandum nunc est de prima Deiparæ Virginis in Annæ utero formatione? Ejusmè à Dei ore conceptus, & parvus, an potius à Tartarei serpentis ore? Illanè, instar Adami, in justitia, & sanctitate concepta, an primæva labe fœdata. Ipsa ipsa suam originariam mundiciem, sui conceptus puritatem, candorem, & splendorem dilaudet, prædicet, vaticinetur per Vatem Siracidem sanctissimum. Ego, inquit, ex ore Altissimi prodivi primogenita ante omnem creaturam. Ac si dicat: Tametsi in sterili Annæ vulva sim efformata, indeque prodierim, ea tamen puritate mea canduit, & quaquaversus resplenduit Conceptio adeò illa extitit miraculis plena, ut potius ex ore Altissimi videar prodivisse, primam unius Adami conditionem omnino imitata, qui unum, ac solum Deum in sua illa purissima efformatione Patrem agnovit, ex cujus ore prodivit. Apage, ut ex fœdissimo Stygiū Draconis ore concepta prodierim, Deum ipsum in meis visceribus conceptura. Apage, ut ego, quæ Deum hominem genui, sim primùm ab ipso diabolo progenita. Ego ego ex ore Altissimi prodivi primogenita. Quò videtur spectasse S. Damascenus in Orat. 1. de Nativit. Virg. Quoniam itaque futurum erat, ut Dei Genitrix, ac Virgo ex Anna oriretur, natura gratiæ factum antevertere non est ausa: verum tantisper expeclavit, donec gratia fructum suum produxisset; siquidem oportebat eam primogenitam in lucem edi, quæ rerum omnium conditarum primogenitum paritura erat. Ut vides, gratiæ filiam appellat Virginem Matrem; imò primogenitam gratiæ: quod ipsa Virgo per Siracidem exprimit, dum ait, se ex ore Altissimi prodivisse primogenitam. Gratia enim originalis primogenitam, & unicam Dei filiam reddidit. Audi S. Bernardum (& dubitabis adhuc Bernardum nihil unquam pro Deiparæ immunitate dixisse?) Homil. 2. super Missus est, ita præclare? O admiranda, & omni honore dignissimam Virginem,

M 2 Paris.